

AUGLÝSING

um staðfestingu félagsmálaráðuneytisins á samþykktum fyrir Byggingarsamvinnufélagið „Samtök aldraðra“.

Samkvæmt lögum nr. 59 30. apríl 1973, sbr. 79. gr. laga nr. 51 9. júní 1980 um Húsnæðisstofnun ríkisins, hefur ráðuneytið í dag staðfest samþykktir fyrir Byggingarsamvinnufélagið „Samtök aldraðra“.

Frá sama tíma falla úr gildi samþykktir fyrir félagið sem staðfestar voru 10. maí 1977.

Félagsmálaráðuneytið, 10. júní 1981.

F. h. r.

Hallgrímur Dalberg.

Hólmfriður Snæbjörnsdóttir.

10. júní 1981.

Nr. 290.

AUGLÝSING

um staðfestingu á gjaldskrá fyrir Sundhöll Hafnarfjarðar.

1. Fullorðnir, einstök skipti	kr. 7,00
Ef keyptir eru 10 miðar í senn, kosta þeir	— 45,00
2. Börn, einstök skipti	— 3,00
Ef keyptir eru 10 miðar í senn, kosta þeir	— 15,00
3. 67 ára og eldri greiði 1/2 gjald	
4. Sjúkrakort (samkv. læknisvottorði) ókeypis	
5. Baðstofa: Almenningsstími	— 12,00
Ef keyptir eru 10 miðar í senn, kosta þeir	— 70,00
Einkatímar	— 55,00
6. Leiga á sundfötum, handklæðum, lökum og teppum	— 5,00
7. Sólarauki, einstök skipti, 30 mínútur	— 35,00
Ef keyptir eru 10 miðar í senn, kosta þeir	— 300,00

Félagsmálaráðuneytið, 10. júní 1981.

F. h. r.

Hallgrímur Dalberg.

Hólmfriður Snæbjörnsdóttir.

9. júní 1981.

Nr. 291.

AUGLÝSING

um staðfestingu á breytingu á aðalskipulagi Reykjavíkur 1962—1983.

Hinn 27. maí 1981 hefur skipulagsstjórn ríkisins staðfest þá breytingu á aðalskipulagi Reykjavíkur 1962—1983, að svæði um 40 hektarar að stærð í Ártúnsholti breytist úr svæði fyrir opinberar stofnanir og útivistarsvæði í íbúðar- og atvinnusvæði.

Umrædd spilda afmarkast af Vesturlandsvegi að norðan, Höfðabakka og Árbæjarhverfi að austan, Árbæjarsafni og útivistarsvæði að sunnan og jarðhýsum o. fl. að vestan.

Félagsmálaráðuneytið, 9. júní 1981.

F. h. r.

Hallgrímur Dalberg.

Hólmfríður Snæbjörnsdóttir.

REGLUR

um flutning á lausu kísiljární í lestum skipa.

EFNISYFIRLIT

1. gr. Skilgreiningar.
2. gr. Notkun.
3. gr. Almenn ákvæði.
4. gr. Fyrirkomulag austursbúnaðar.
5. gr. Þil, sem afmarka lestar og dælurúm m. m.
6. gr. Loftræsting.
7. gr. Gluggar og dyr á framþili skutlyftingar m. m.
8. gr. Lokun lestarlúga.
9. gr. Loft-, mælirör og mannop botngeyma.
10. gr. Fasttengd slökkvikerfi m. m.
11. gr. Öryggisbúnaður.
12. gr. Auglýsing um borð.
13. gr. Teikningar.
14. gr. Eftirlit.
15. gr. Erlend skip.
16. gr. Refsiákvæði.
17. gr. Gildistaka.

1. gr.

Skilgreiningar.

- 1.1 Nýtt skip: Skip eða prammi, sem kjölur er lagður að þann dag, sem reglur þessar öðlast gildi eða seinna. Ennfremur skoðast skip eða prammi, sem breytt er til flutninga á lausu kísiljární í lestum, sem nýtt skip, þann dag, sem reglurnar öðlast gildi eða seinna.
- 1.2 Notað skip: Skip eða prammi, sem ekki er nýtt skip.
- 1.3 Viðurkenning: Viðurkennt af Siglingamálastofnun ríkisins.

2. gr.

Notkun.

- 2.1 Þar sem annað er ekki sérstaklega tekið fram, skulu þessi ákvæði gilda fyrir flutning á lausu kísiljární í lestum nýrra skipa.
- 2.2 Farþegaskip hafa ekki leyfi til að vera með laust kísiljární í lestum.
- 2.3 Greinar 3, 4, 5, 6, 8, 10.2, 11, 12, 14 og 15 í reglum þessum gilda um notuð skip.
- 2.4 Um skip, sem sigla eina og eina ferð með laust kísiljární í lestum, gilda eftirfarandi greinar, nema annað sé sérstaklega tekið fram: 3, 4.2, 4.3, 5.1, 5.2, 6.1, 6.3, 7.2, 8, 10.2, 10.3, 11, 12, 14 og 15.